

元宗

竹居攷屢

全唐文

卷三十一之三十三

白

行

全

欽定全唐文卷三十一目錄

元宗

放諸軍募詔

條制試明經進士詔


貶盧怡詔

免鄂王瑤妃韋氏罪詔

命諸道節度使募取丁壯詔

飭諸軍不得輒賞借緋紫詔

簡括諸軍兵募詔



欽定全唐文 卷三十一
選宗子授臺省京縣等官詔

答李林甫請宣示御製訓誡手詔

諭河南河北租米折留本州詔

停今年漕運詔

禁取同華人充兵防詔

答李適之手詔

褒賜鄭少微等詔

定屯官敘功詔

答牛仙客等表賀吐蕃安戎城得泉手詔

答朝集使蔣欽緒等上尊號詔

禁卜筮惑人詔

追謚孔子十哲并外曾子四科詔

追贈曾參等六十七人詔

答牛仙客等請宣付元元皇帝靈應手詔

爲元元皇帝設像詔

嚴禁左道詔

答牛仙客表賀紫宸殿烏巢手詔

答牛仙客表賀宣政殿烏巢手詔

給復徐泗等州詔

釋奠令攝三公行禮詔

禁喪葬違禮及士人干利詔

令内外官薦親伯叔及弟兄子姪堪任刺史縣令

詔

答宰臣賀元元皇帝玉像手詔

命兩京諸路各置元元皇帝廟詔

令寫元元皇帝真容分送諸道并推恩詔

遣使分巡天下詔

長流盧暉富州詔

停水驛詔

放還老病軍士詔

合祭天地詔

令葬埋暴骨詔

分道德爲上下經詔

命李彥允等入宗正籍詔

禁止生徒問難不經詔

令天下諸觀仍轉本際經詔

著五書其間載不盡語

命李德公著人宗五書

女直斯為土不盡語

令韓魁暴骨語

合祭天祖語 元皇帝

效數次南軍士語

韓公韓語

吳越亂軍官俸語

欽定全唐文卷三十一

元宗

十二

放諸鎮兵募詔

王者經略以正區夏武夫干城式固封域將以戢兵禁暴
安國庇人朕所以選擇忠良鎮守疆場念踐更之役有徭
戍之勤備以武守示之威惠故得夷狄款附靡然順風九
有晏如四方無事雖備豫之誠不可蹙闕而鰥瑯之徒思
有矜憫其天下諸州鎮兵募及健兒等或年月已久頗亦
辛勤或老疾尫羸或單弱貧窶或親老孤獨致闕晨昏言

念於斯深用矜嘆宜委節度使及軍州簡擇有如此色一切放還咸宜精審以稱朕意

條制考試明經進士詔

致理興化必在得賢強識博聞可以從政且今之明經進士則古之孝廉秀才近日以來殊乖本意進士以聲韻爲學多昧古今明經以帖誦爲功罕窮旨趣安得爲敦本復古經明行修以此登科非選士取賢之道也其明經自今已後每經宜帖十取通五已上免舊試一帖仍案問大義十條取通六已上免試經策十條令答時務策三首取

有文性者與及第其進士宜停小經準明經例帖大經十帖取通四已上然後準例試雜文及策考通與及第其明經中有明五經以上試無不通者進士中兼有精通一史能試策十條得六已上者委所司奏聽進止其應試進士等唱第訖具所試雜文及策送中書門下詳覆其所問明經大義日仍須對同舉人考試庶能否共知取舍無媿有功者達可不勉與

貶盧怡詔

宰輔之任簡在朕心亦旣同德是爲一體其有惡直醜正

以私害公結構讒慝圖議離間隳我軌度莫甚於斯御史
中丞盧怡累登清密爰委繩準宜遵國典以正朝綱而乃
妄起猜嫌輒爲朋黨交通小吏傾側大臣潛求罔極之言
欲陷無辜之善雖浸潤之譖縱盈篋而不疑而回邪之端
若燎火而難近宜從遠貶以戒具寮可潮州司馬員外置
且清淨者政之本和平者國之福朝多君子可不務乎如
或妄動以干時矯舉以違道遞相好惡便作比周斯爲亂
常必有明罰凡厥在位知朕意焉

免鄂王瑤妃韋氏罪詔

鄂王瑤妃韋氏時標令德作配藩邸夫義已薄婦道惟勤
規誡之言無繇見納輔佐之道空竭乃誠但恭肅以奉上
每柔明以撫下周旋禮度固所未聞不有家風何至於此
今因罪累例如本族有善不紀何以勸下其韋氏不須爲

累入於息當衣鉢昧三事公職宜謝想必誠為身事宜分
命諸道節度使募取丁壯詔大臣長平歲輸

自天下一統方隅底平交趾西界於庸岷流沙東泊於遼
碣烽亭旣廣徭戍轉增朕永念征夫無忘盱食是用懷柔
悍俗賓禮戎臣降子女以適其氈裘捐繒玉以申其惠好

二十五年於茲矣而情周萬寓信結羣蠻羌狄爲父子之
邦甌貊成冠帶之國海內無事邊方底寧加以志道而一
理得清心而庶務簡和氣來應穰歲以臻羣生樂業而自
怡有司措刑而不用今欲小康戎旅大致昇平減停征徭
與人休息諸方將相三事公卿宜協朕心勉成良算宜令
中書門下與諸道節度使各量軍鎮間劇審利害計兵防
健兒等作定額委節度使放諸色征行人內及客戶中召
募取丁壯情願充健兒長任邊軍者每歲加於常例給田
地屋宅務加優恤便得存濟每年逐季本使具數報中書

門下至年終一時錄奏長駕遠馭事藉經久無害始慮之
謀以規苟且之利

入國可飭諸軍不得輒賞借緋紫詔

緋紫之服班命所崇以賞有功不得踰濫如聞諸軍賞借
人數甚多曾無甄別是何道理自今已後除灼然有戰功
餘不得輒賞

簡括諸軍兵募詔

近聞諸軍兵募逃喪者多儻或臨戎如何破敵自今已後
每致交兵之時令御史分住諸軍與節度使計議簡括奏

聞隨事褒貶以存勸戒

選宗子授臺省京縣等官詔

至公之用本無偏黨唯善所在豈隔親疎四從叔知政等咸有才名見推公族秉惟清之操兼致遠之資朕每慮同盟不勤於德嘗懸右職以勸其徒先委宗卿精爲內舉量能考行歷載踰時名數則多外聞蓋寡光膺是選諒在得人固可擢以清要遷於臺閣將觀志於七子冀齊名於八人宜各悉行佇聞成績書不云乎九族旣睦平章百姓冀繇內而理外必自近而及遠凡今懿戚可不慎歟違道慢

常義無私於王法修身效節恩豈薄於他人期於率先勵
我風俗深宜自勉以副明言

答李林甫請宣示御製訓誡手詔

周公聖人攝行王政誠伯禽曰無以魯國驕人朕方聖雖
慙豈忘誠子聊示廷訓何足以宣布中外耶

諭河南河北租米折留本州詔

大河南北人戶殷繁衣食之原租賦尤廣頃年水旱廢庾
尚虛今歲屬和平時遇豐稔而租米所入水陸運漕緣脚
錢雜必甚傷農務在優饒惠彼黎庶息其轉輸大實倉儲